



Adresa: Ul. Hamdije Čemerlića 39a
71000 Sarajevo
<http://www.voda.ba>

Tel. +387 33 726 400
fax. +387 33 726 423
e-mail: info@voda.ba

Broj: **UP-1/21-2-40-417-3/26**
Datum: **31.08.2026. godine**

„Agencija za vodno područje rijeke Save“ Sarajevo rješavajući po zahtjevu pravnog lica JP „Ceste Federacije BiH“ d.o.o. Sarajevo, za izdavanje vodne saglasnosti za izgradnju novog mosta preko rijeke Tinje na magistralnoj cesti M1.8 - 004 u Donjoj Podpeći, na osnovu člana 109. stav (1) tačka 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), **donosi**

RJEŠENJE **o vodnoj saglasnosti**

1. Pravnom licu JP „Ceste Federacije BiH“ d.o.o. Sarajevo daje se vodna saglasnost za izgradnju novog mosta preko rijeke Tinje na magistralnoj cesti M1.8 - 004 u Donjoj Podpeći, na zemljištu označenom kao k.č. broj: 2235, 2594 i 2608 K.O. Podpeć, grad Srebrenik, a prema tehničkoj dokumentaciji:
 - Glavni projekat: „Projekat novog mosta preko rijeke Tinje u Donjoj Podpeći, na cesti M1.8, dionica 004 Srebrenik – Šićki Brod 3 u km 10+709“ urađen od strane „HS INŽENJERING“ d.o.o. Sarajevo, mart 2023. godine;
 - Elaborat hidrološko–hidrauličkih parametara za rekonstrukciju mosta preko rijeke Tinje, urađen od strane „ASI Inženjering“ d.o.o. Sarajevo, juni 2026. godine.Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.

Ovo Rješenje ne oslobađa podnosioca zahtjeva obaveze pribavljanja saglasnosti i dozvola od drugih nadležnih organa, a sve u skladu sa važećim zakonskim propisima, odlukama, uredbama i dr.
2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Vodna saglasnost se donosi na osnovu pregleda dostavljene projektne dokumentacije iz tačke 1. ovog rješenja, utvrđenog činjeničnog stanja i pod sljedećim uslovima:
 - 3.1. Sve radove na izgradnji novog mosta preko rijeke Tinje na lokalitetu Donja Podpeć na lijevoj obali i na desnoj obali rijeke Tinje, izvesti u skladu sa ovjerenom projektnom dokumentacijom iz tačke 1. ovog Rješenja.
 - 3.2. Investitor (korisnik vodne saglasnosti) je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.3. Prije početka izvođenja radova neophodno je utvrditi postojanje instalacija vodovoda, kanalizacije, plina i ostale infrastrukture na obje obale i eventualno instalacije zaštititi ili izmjestiti uz saglasnost i nadzor mjesnog nadležnog preduzeća, koje će dati tehničke uslove za izvođenje ovih radova.
 - 3.4. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim i postojeće korisnike voda.
 - 3.5. Prilikom izvođenja radova treba koristiti opremu i mašine koje su tehnički ispravne, bez nekontrolisanog isticanja tečnih goriva, maziva, hidrauličkog ulja i sl.
 - 3.6. U sklopu uređenja gradilišta dati organizaciju izvođenja radova uz opis i instrukcije u slučaju pojave incidentnih situacija i način sanacije njihovih negativnih posljedica.
 - 3.7. U visinskom pogledu niveletu mosta uskladiti sa utvrđenom kotom velike vode rijeke Tinje i proračunatom kotom vodnog lica ispod mostovske konstrukcije ($K_{V1/100} = 273,90$ m.n.m.), odnosno kotom donje ivice konstrukcije mosta ($K_{DIK} = 275,08$ m.n.m.).

- 3.8. Korisnik saglasnosti je dužan da riješi imovinskopravne odnose na lokalitetu gradilišta i pristupnim putevima.
- 3.9. Odvodnju sa kolovoza mosta izvesti prikupljanjem oborinskih voda putem tipskih mostovskih slivnika, te ispuštanjem prikupljenih voda u rijeku Tinju nakon tretmana u separatoru ulja i masti.
- 3.10. Zagate, napere i pomoćne objekte i zahvate u koritu koji prilikom izgradnje služe za lakše izvođenje određenih radova, izvesti na način da isti što manje ugrožavaju proticajni profil rijeke Tinje, a nakon završetka radova iste je potrebno ukloniti i korito, obale i okolni teren dovesti u prvobitno stanje.
- 3.11. Tehnologiju izvođenja radova prilagoditi uslovima na terenu, uz odgovarajuća osiguranja ljudi i materijalnih dobara.
- 3.12. Pri utvrđivanju dinamike izvođenja planiranih radova (rušenje postojećih i izgradnja novih stubova, demontaža postojeće i izgradnja nove konstrukcije mosta, uređenje korita itd.), voditi računa o periodu mriještenja plemenite ribe te istu usaglasiti sa ribolovnim društvima predmetnog područja.
- 3.13. U toku radova na izgradnji novog mosta, iskopani materijal i otpad koji će nastati u toku demontaže postojeće konstrukcije mosta se ne smiju ni privremeno odlagati na zemljišnu česticu „vodno dobro“, odnosno unositi u vodotok i na njegove obale.
- 3.14. Po završenim radovima, potrebno je izvršiti uređenje korita, obala i pojasa u kome su vršeni radovi, tj. dovođenje kompletnog terena u prvobitno stanje.
- 3.15. Ukoliko se izvođenjem predmetnih radova ili drugim aktivnostima povezanim s predmetnim radovima prouzrokuju štetne promjene režima voda, naruši stabilnost korita i obala ili nastane šteta trećim licima, podnosilac zahtjeva dužan je otkloniti uzroke nastanka štetnih promjena, sanirati nastalu štetu i procijenjenu štetu nadoknaditi.
4. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
5. Po završetku izgradnje predmetnog mosta i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i članom 19. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22).
6. Ova vodna saglasnost prestaje važiti istekom roka od dvije godine, ukoliko u tom periodu ne bude pribavljeno odobrenje za gradnju i započeta izgradnja predmetnog mosta u skladu sa glavnim projektom iz tačke 1. dispozitiva ovog rješenja.
7. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice JP „CESTE FEDERACIJE BIH“ d.o.o. Sarajevo, obratilo se ovoj Agenciji dana 17.08.2026. godine sa zahtjevom za donošenje rješenja o vodnoj saglasnosti za aktivnost - izvođenje radova na izgradnji novog mosta preko rijeke Tinje na magistralnoj cesti M1.8 - 004 u Donjoj Podpeći na mjestu postojećeg mosta, na zemljištu označenom kao k.č. broj: 2235, 2594 i 2608 K.O. Podpeć, grad Srebrenik, a u postupku pribavljanja odobrenja za građenje mosta.

U provedenom postupku dostavljena je i pregledana sljedeća dokumentacija:

A. opšta dokumentacija:

- Kopija aktuelnog izvoda iz sudskog registra broj: 065-0-RegZ-21-000653 od 27.04.2021. godine izdat od Općinskog suda u Sarajevu,
- Ovjerena kopija Uvjerenja o poreznoj registraciji izdatog od strane Porezne uprave – Kantonalni ured Sarajevo, 01.07.2016. godine,
- Kopija Rješenja o urbanističkoj saglasnosti broj: 08-19-1-1777/24 izdatog dana 19.06.2024. godine od strane Službe za prostorno uređenje i zaštitu okoliša, Grad Srebrenik,
- Upit o potrebi prethodne procjene utjecaja na okoliš,

- Dokaz o uplaćenju upravnoj taksi.

B. Tehnička dokumentacija:

- Glavni projekat: „Projekat novog mosta preko rijeke Tinje u Donjoj Podpeći, na cesti M1.8, dionica 004 Srebrenik – Šićki Brod 3 u km 10+709“, urađen od strane „HS INŽENJERING“ d.o.o. Sarajevo, mart 2023. godine, (knjiga 1 i 2);
- Izvještaj o reviziji Glavnog projekta: „Projekat novog mosta preko rijeke Tinje u Donjoj Podpeći, na cesti M1.8, dionica 004 Srebrenik – Šićki Brod 3 u km 10+709“, urađen od strane „DRAFT“ d.o.o. Sarajevo, juli 2026. godine;
- Elaborat hidrološko – hidrauličkih parametara za rekonstrukciju mosta preko rijeke Tinje, urađen od strane „ASI Inženjering“ d.o.o. Sarajevo, juni 2026. godine.

Na osnovu uvida u dostavljenu dokumentaciju utvrđeno je sljedeće:

Most preko rijeke Tinje na dionici M1.8 Srebrenik-Šićki Brod na stacionaži km 10+709 je projektirala firma „Traser“ Sarajevo 1968. godine, a izveden je iste godine.

Prema novom projektu predviđen je most kao polumontažna, integralna, okvirna konstrukcija raspona 24.9 m. Poprečni presjek se sastoji iz 5 adheziono prednapegnutih nosača na kojima se nalazi armirano-betonska ploča promjenljivog poprečnog presjeka koja se potpuno veže za ankere iz montažnih nosača, tj. presjek se potpuno monolitizuje. Montažni nosači i kolovozna ploča se vežu i za upornjake pa se konstrukcija ponaša kao integralna. Visina rasponske konstrukcije u osovini mosta je 1,725 m (1,5 m montažni nosač i 0,225 m kolovozna ploča). Ukupna visina poprečnog presjeka varira zbog različitih dimenzija kolovozne ploče.

Oborinske vode sa asfaltnih površina mosta se prikupljaju posebnim mostovskim slivnicima koji su predviđeni jednostrano na razmaku od 7,00 m. Ukupno je predviđeno 5 slivnika. Voda iz slivnika prihvata se kanizacionim kolektorima koji su ovješeni o konstrukciju mosta, a smješteni su ispod slivnika.

Nakon što je prikupljena, oborinska voda sa mosta se odvodi uz obalni stub i nakon toga do novoprojektovanog revizionog okna RO2. Iz novoprojektovanog okna RO2 se, kolektorom DN200, vrši priključak na separator ulja i masti ($Q = 15$ l/s). Dalje se tretirana otpadna voda, preko okna za monitoring (RO1), gravitaciono odvodi do recipijenta u rijeku Tinju.

Uvidom u dostavljeni projekat, utvrđeno je da je za novi most preko rijeke Tinje na magistralnoj cesti M1.8 - 004 u Donjoj Podpeći u visinskom pogledu niveleta mosta prevashodno određena na osnovu hidrauličkog proračuna otvora mosta kojim je za max. proticaj povratnog perioda 1/100 utvrđena kota velike vode rijeke Tinje na lokaciji mosta 273,90 m n.m. odnosno kota donje ivice konstrukcije mosta je na min 275,08 m n.m.

Urbanističke uslove za izgradnju predmetnog mosta je kroz Rješenje o urbanističkoj saglasnosti izdala nadležna Služba za prostorno uređenje i zaštitu okolice Grada Srebrenika.

Projektna dokumentacija urađena je u skladu sa uslovima iz Rješenja o prethodnoj vodnoj saglasnosti donesenog od strane ovog organa, broj: UP-1/21-1-40-164-5/24 od 16.05.2024. godine, te je shodno članu 114. stav (3) Zakona o vodama, upisivanjem broja i stavljanjem otiska pečata ove Agencije na dio projektna dokumentacije: Glavni projekat: „Projekat novog mosta preko rijeke Tinje u Donjoj Podpeći, na cesti M1.8, dionica 004 Srebrenik – Šićki Brod 3 u km 10+709“, urađen od strane „HS INŽENJERING“ d.o.o. Sarajevo, mart 2023. godine (Knjiga 2 – Hidrotehnička faza), data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne aktivnosti na stanje voda, podnosiocu zahtjeva su ovom vodnom saglasnošću, u tački 3. dispozitiva Rješenja, propisani uslovi u skladu sa članom 114. Zakona o vodama i članom 7. Pravilnika o sadržaju, obliku, uvjetima, načinu izdavanja i čuvanja vodnih akata, koje je isti dužan ispuniti u toku gradnje predmetnog mosta.

Podnosilac zahtjeva je uplatio upravnu taksu u iznosu od 60 KM u skladu sa Zakonom o federalnim upravnim taksama i tarifama federalnih upravnih taksi („Službene novine Federacije BiH“, broj 6/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Munir Trako, dipl.inž.građ.

Prilog: (Tehnička dokumentacija navedena pod tačkom B. obrazloženja Rješenja).

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- JP Ceste Federacije BiH, Terezija 54, 71000 Sarajevo (Prilog)
- ⓪ AVP Sava, ISV - vodna knjiga - ovdje
- Arhiva - ovdje
- Oglasna ploča AVP Sava